

Nau sanap long lek bilong yu yet

Long las de bilong mun ptemba Mista Julius an, Minista bilong inens o bilong bosim mani long PNG i bin ktok wan aua hap long dio bilong tok save ng ol pipel long baset long dispela yia.

Baset em i min bai gavman i kisim hamas mani long dispela yia na bai em i lusim hamas.

Mista Chan i bin givim sampela strongpela tok. Sampela samting ol pipel i mas save, em hia: INDEPENDENS I NO MIN NAU MANI I KAMAP NATING.

PNG I NO GAT PLANTI MANI, NA OLSEM YUMI NO MAS SKRUIM DISPELA PASIN BILONG SINDAUN LUSIM MANI OLSEM MANIMAN TRU. YUMI MAS TAITIM BUN NA YUMI MAS TAITIM LET.

Long independens de planti spika moa i bin tok: nau yumi sanap long lek bilong yumi yet. Yes; em nau tasol.

MANI GO WE?

Orait, na Mista Chan i bin skruim tok i go: Long dispela yia bai gavman i lusim K408 milien kina. Ol dipatmen wantaim bai lusim K216 milien.

HUSAT BAI KISIM HAMAS?

Edukesen: K45 milien
Helt: K27.8 milien
Didiman: K19.3 milien
Pablik Woks: K42. mil.

Insait long edukesen ol yunivesiti yet bai kisim K15 milien bilong ol yet.

** Tupela piksa ya ol sumatin long Ulga Klos-tu long Mt. Hagen i bin katim long strongpela blakpela pepa.*

Maritman long lephan i amamas; nau takis bilong em i go daun.

HELPIM MAKET

Long wok didiman o egrikalsa bai ol i laik putim M2.4 long wok bilong kamapim bisnis bilong salim olkain prut na sayor long ol maket; olsem bai ol fama i ken winim mani tu, na yumi no mas baim ol grin samting long ol arapela kantri; long wanem planti i stap hia pinis.

Na tu ol i laik mekim go het ol wok didiman na ol i bin makim M6 milien long rural developmen o pasin bilong helpim ol liklik ples na fama na ol man i stap long bus. HELPIM ROT

Pablik wok program em bai lusim planti mani moa long wokim na pinisim ol rot. Em sampela hia: Hailans Haiwe na Hiritano Haiwe, Kiunga Rot, na Enga Haiwe.

Pablik woks tu bai mas wokim haus long ol liklik ples, ol skul, sampela kalabus na stua Difens Fos bai i kisim K16 milien.

MANI KAM WE?

Orait, bai gavman i kisim ol mani we? Australia yet i givim K107 milien. Bai PNG i kisim dinau inap K27 milien. Na olkain takis insait long kantri bai bringim K208 milien.

Na dispela ol takis-mani bai ol i kisim we? K19 Milien - long ol kampani
K49 milien - long ol wan wan wokman
K34 milien - long ol nupela samting i kam insait long kantri.

(i go moa long pes 6)



Nau yu mas sanap long lek bilong yu yet.

PAS I KAM LONG EDITA

Sapos yu gat tok, yu raitim sotpela tasol. Sapos yu raitim longpela, bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela i prinim nem bilong yu tru, orait yu raitim wanpela narapela nem bilong yu.

WAIT KASTAM BLAK KASTAM

Dia Edita.- Mi gat wari long ol dispela samting na mi laik bai yupela i prinim long Wantok Niuspepa na bai mipela i lukim.

1. Ol manmeri bilong PNG ol i ken wok long tupela kastam wantaim? Kastam bilong Australia na kastam bilong PNG?

2. Watpo ol manmeri bilong PNG ol i bin skul tasol long olkain kastam bilong ol waitman insait long ol skul?

3. Bipo ol waitman i kamap na ol i givim yumi ol netiv long laplap. Na nau laplap i stap strong long ol manmeri ol i stap ausait long ol taun na ol i stap long ol liklik ples nabaut.

Na olsem wanem long ol sampela manmeri bilong PNG ol i gat save na sampela manmeri tu bilong PNG ol i stap insait long ol taun, ol i save ting tumas long trausis, slot, sket, klos na su. Wanem mining bilong en?

4. Yumi long PNG yumi gat ol liklik kain bilas o liklik mak nabaut olsem. Pes kambang, makim pes long ol pen o kala salim olkain basket bilong yumi PNG na putim kangal long het na wokabaut.

Na olsem wanem long ol manmeri bilong PNG ol i stap long wok bilong gavman na misin ol i no save bilas liklik long ol dispela kain mak o bilas bilong PNG?

5. Nau yumi stap long tupela kastam, wait kas-

tam na blak kastam. Na wanem kastam tru bai i stap strong antap long kantri bilong yumi PNG? Em tasol 5-pela samting i save mekim mi wari.

Clement Wauia,
Namatanai.



HELPIM MERI BEKIM PAS

Dia Edita.- Nau mi laik bekim pas bilong wantok ya, Joe K. Notorn bilong Arawa Bougainville. O yes wantok yu bin mekim sampela toktok long ol meri na yu autim tru wari bilong yu. Tasol yu yet yu ting olsem yu bin wokim wanpela gutpela toktok tasol yu bin mekim maus wara tumas.

Bilong wanem, yu bin tok ol meri ol i putim longpela trausis na ol haihil su na yupela i save wokabaut olsem ku-ka bihainim arere long nambis. Man dispela kain toktok i no gutpela tumas long ol meri wantok bilong mipela yet ol Papua Niugini meri.

Ating wantok mi pilim olsem wanpela meri wantok bilong yu yet i bin wokim dispela kain pasin olsem pulim longpela trausis na wokabaut ol-

sem kuka arere long Arawa nambis. Em tru a wantok? Mi stap longpela taim long Arawa tasol mi no save lukim dispela kain pasin ol meri wokim long Arawa.

Dispela leta bilong yu, yu bin rait i go long en mipela ol planti yangpela boi i bin ritim na mipela i no amamas tru long kain maus wara bilong yu.

Em tasol sapos yu bel hat orait rait tasol i go long Wantok Nius bai mi lukim. Mi susa, kanderere na tambu bilong ol meri wantok.

Benjamin N. Yokon Sari,
Arawa/B'ville.

NO TOK BILASIM MERI

Dia Edita.- Plantitaim mi ritim Wantok Niuspepa, ol man i raitim pas i go long Wantok na tok bilas nating long ol meri.

Yupela man, yupela tingting gut na raitim pas. Bilong wanem yupela i tok bilas nating long ol i stap long skul na sampela ol meri i wok nabaut long stua o ofis? Yupela man, yupela i ting yupela i kamap long wanem hap tru?

Yupela kam daun long heven? O long diwai? O long enimal? Man, long lukluk bilong mi i go olsem meri em i bikpela samting. Meri em olsem yumi planim kaikai long gaden na gaden i karim planti kaikai. Na yupela man yupela ting wanem?

Sapos meri i no i stap olsem wanem bai yumi kamapim pikinini na bikpela lain i tingting long dispela o nogat? Yupela tingting long wanpela sait tasol. Yupela mas tingting long

yupela na yupela tok planti.

Sapos yupela man pela i lukim ol meri putim wanem kain k bilas long skin bil ol, orait yupela i orait, long wanem bi meri i putim, em i s ting bilong em. Em i skin bilong yu na toktok planti.

Na yupela man tingting gut. Wan wan meri ta i putim kain kain bilong skin bilong ol. no olgeta meri.

Yumi man yumi olgotingting gut pastaim toktok long wanem samting, yumi i no pil dok na toktok namba olsem man i no gat pil bilong em.

Em tasol liklik toktok bilong mi. Sapos hus man i gat belhevi long tok bilong mi, rait tasol i go long Wantok Niuspepa. Mi amamas tasol long ritim tok bilong yu.

Joseph Ka-Dam
C.M. Ambuilua/Jim

KISIM BEK PURPUR.

Dia Edita.- Nau mi laik sapotim toktok bilong brata ya Jack Bos bilong Wewak.

Yes ol meri dispela pas brata ya Jack Bos i tok em tru. Mi tingting i no stret long ol bilong mi.

Na ol meri yupela mas tingting wanem tai bai yumi i stap long wan bilong kalsa o pasi tumbuna. So ol meri mas askim yupela sapos yumi i kisim independens ba yupela i bihainim c kalsa bilong ol waitman

Ha, sori tru bai yu pela i lus stret o meri. Na ol meri yupela i lukim ol waitmeri save bihainim ol kals

TINGTING I GO LONG GOD ANTAP

"Oltaim yupela i mas tingting long samting bilong antap. Yupela i no ken tingting long samting bilong graun tasol." (Kolosi 3:2)

Sapos yumi Papua Niugini i ritim konstitusen o as lo bilong kantri, long namba wan lain tru bilong em dispela tok i stap: "Namba wan mipela i tingting long God i strong olgeta. Maski em i gat planti kain nem, tasol em i bikpela bilong mipela."

Dispela tok yumi ken lukim tu long plak bilong yumi. I gat 5-pela sta i makim kruse i stap long plak. I olsem ting long God i stap long plak. Namba tu hap bilong plak, retpela hap, i stap antap long dispela blakpela i gat sta o kruse long en. Dispela i laik tok gavman na lo na konstitusen bilong kantri i sanap antap long God na samting bilong God.

Em i gutpela tingting tru na yumi no ken lusim. Kantri i hangamap long God, em bai i win. Olsem Pol i tok antap: "Oltaim yupela i mas tingting long samting bilong antap."

Long stori bilong Papua Niugini dispela mak bilong kruse em i makim man i laik helim mi. Bipo em i stap long laplap bilong olgeta doktaboi. Man i lukim kruse, em i ken save hia ol i laik helpim mi.

Na tu long dispela mak long plak, yumi ken save olsem wanem gavman na misin tupela i wok wantaim; aidia bilong tupela i bung wantaim. Lo bilong gavman i hangamap long lo bilong God. I no gat tupela kain lo. Wankain tasol.

Na tu bikos dispela kruse i stap long plak yumi ken painim gutpela aidia Pol i bin raitim: "Yupela i no ken tingting long samting bilong graun tasol."

K. Collins Laffy,
B.C.L., Panguna.

MEKIM RABISIM WANTOK:

Dia Edita.- Nau mi laik autim wanpela bikpela toksave bilong mi i go long olgeta pren, wantok bilong mipela hia long Papua Niugini.

Bilong wanem tru oltaim ol wantok i save mekim rabisim ol wantok bilong ol i wok long ol taun long ol bilas, mani, kaikai, na ol arapela kain samting olsem. Plis ol wantok traim lusim dispela pasin nau. Brian Eric Namiat, Wantok/Wewak.

long mipela long pa-
m malo olsem sket na
kim ol graun sospen?
gat tru stret.

So ol meri traim na
ngting pastaim na
kim ol dispela sam-
ng. Yes ol meri sapos
yupela i laik bekim pas
ilong mi, orait, bai
yupela i ken bekim i go
ong Wantok Nius, orait
ai mi ken save.

Anton Bill Umblada
Wewak/E.S.D.

EWAK OPEN MEMBA

Dia Edita.- Yumi long
ewak i gat wanpela o-
en memba bilong haus
v Asembli o nogat?

Mi save ritim nius-
epa na opim redio bi-
ong mi long taim bi-
ong nius tasol mi no
arim o lukim memba bi-
ong Wewak open ilekto-
et i toktok long hap
ilong Wewak.

Mi save harim ol na-
apela ilektat memba
ilong olgeta hap bi-
ong Papua Niugini i
utpela. Ol i save pait
at long ol eria bilong
ol long mekim kamapim
gut. Tasol long Wewak
nogat. Papua Niugini i
bin kisim independens
pinis nau. Tasol Wewak
no kamap gut yet. Dis-
pela ol samting i kamap
pinis ya i mas bilong
ol narapela ol memba
ilong bipo.

I luk olsem bihain
long independens yumi
nas makim nupela memba
ilong yumi long Wewak.
Yumi long Wewak i no
ken makim ol waitpela
man long open memba gen.
Yumi mas makim blakpela
man na em i mas bilong
hap bilong Wewak eria
yet.

Yumi mas tingting gut
long makim wanpela mem-
ba bilong yumi bihain
long independens bikos
nau i no gat wanpela
memba bilong yumi long
Open yet.

Yumi i gat save olsem

yumi i gat rijonal mem-
ba tasol long Is Sepik
Distrik. Rijonal memba
bilong yumi em i blak-
pela man na i bilong
yumi yet. Rijonal memba
bilong yumi Mista Mic-
hael Somare em nau i
hetman bilong Papua Ni-
ugini.

Olsem na yumi no ken
tingim em bai helpim
dispela distrik tumas.
Em i sanap bilong tok-
tok o pait hat long
kirapim kantri bilong
yumi. Em i no bilong
helpim distrik bilong
em tasol nogat em i bi-
long olgeta.

Em tasol toktok bi-
long mi. Yu husat i gat
belhevi plis rait i kam
long Wantok Nius bai mi
ken ritim.

M. Ikau,
BCL Panguna/Boug'ville

MERI NO KEN PILAI RAGBI

Dia Edita.- Mi laik
bekim wanpela pas bi-
long wantok ya Jack Bo-
si.

Yes, wantok, yu bin
tok ol meri i no mas
pilai ragbi na soka. Na
tu yu bin tok ol no ken
kisim pasin bilong ol
waitman. Tasol yu bin
tok ol mas pilai ol ara-
pela gem olsem basket-
bal, voliball, sofball,
kriket na ol arapela
gem. Wantok yu bin tok
pinis olsem ol no ken
kisim pasin bilong ol
waitman, na watpo yu
tok ol i ken pilai ol
arapela gem olsem bas-
ketball? Nau mi laik ask-
im yu, bipo yu gat ol
dispela kain gem tu? Mi
ting nogat ya? Laka?

Namba tu samting, yu
bin tok, nogut ol man i
aigris long ol meri.
Em i tru. Tasol bai ol
mekim wanem? Ating yu
wanpela long ol dispela
man i save lus tempa
klostu olsem na yu no
laik lukim, laka?

Bipo mi pinisim leta
bilong mi, mi laik tok

klia long yu Jack olsem
dispela kain gem i no
bilong pilai olgeta taim
nogat. Em bilong wan-
pela wanpela yia o mun,
na tu em ol i no inap
pilai nating. Em i gat
wanpela man i bin oga-
naisim dispela kain pi-
lai. Em olsem sapos
sampela kain komiti i
laik resim sampela fan
o mani long mekim wan-
pela samting o helpim
wanpela kantri, orait
bai ol i putim dispela
kain pilai.

Yu save dispela taim
ol pilai long resim ma-
ni long selebretim In-
dependens De. Em liklik
eksampel tasol na yu
ken save.



Lokal penta smat moa

Dispela tupela poto i soim eksampel bilong wok bilong wangepela yangpela man bilong Siassi, nem bilong em **BEN ERO**. Ben i gat 17 krismas na i bin pinisim standet 6 long viles skul. Bihain em i kisim save long wok kamda long St. Josef Teknikal Skul long Lae. Tasol Ben i yaupas na i no inap wok kamda gutpela tumas. Olsem na em i bihainim laik bilong em long dro na pen. Bisop bilong Lae i salim em i go long Goroka Teknikal Koles inap 2 yia, we em i kisim gutpela save tru.

Nau ol pipel i laikim tumas ol piksa Ben i save penim na ol i baim kwiktaim. Bihain bai mipela i ken putim planti piksa moa bilong em long pepa.



Viles Gavman kamap strong

Ol pipel bilong Kainantu long hap bilong Iste Hailans inap long soim olgeta hap long PNG, want samting tru em i gavman bilong pipel, pasin bilong bung wantaim, ekonomik na bisnis developme na selp rilaiens.

Samting olsem 50,000 pipel long Kainantu nau stap insait long 35 viles gavman ol i kolim "Komuniti Eria." Na ol dispela em ol i gavman bilong pipel stret.

Ol yet i save makim ol ofisa ol lida bilong ol long ranim wok gavman na i gat olkain dipatme bilong lukautim ol wari na laik bilong ol. Ol pipel yet tu i save makim wanem ol lain pipel e ol i laik bung wantaim insait long gavman bilong ol. Ol i bin brukim ol wod sistem o pasin bilong kaunsil long wanem ol i bin pilim dispela pasin i save joinim ol birua bilong tumbuna wantaim n olsem ol wok i no save ran stret.

Viles kot sistem bilong ol i bin pas i go insait tru long gavman sistem bilong ol na i kamaj olsem dipatmen bilong lo.

Insait long gavman sistem bilong ol, ol i save kolim Kainantu Kaunsil olsem "mama", Sentral Gavman "papa" na ol 35 viles gavman em ol "pikinini."

Ol i tok sapos ol pikinini i kraik, mama i mas givim. "susu" na papa i mas mekim ol bel isi. Tasol ol pikinini i mas olgeta taim traime long sanap wokabout long lek bilong ol yet.

Long olgeta K5 em ol man i bin peim het takis i go long Kainantu Kaunsil las yia, K2 i go bek long ol Komuniti Eria. Long dispela yia ol i bin peim K3 i go long komuniti eria na K2 long kaunsil. Long neks yia bai ol peim olgeta K5 i go long ol komuniti eria bilong ol yet.

Olgeta komuniti eria i gat olkain bisnis olsem stua na gaden bilong winim mani bilong gavman bilong ol. Planti long ol tu i bin statim pinis haus piksa bilong soim muvi.

Sapos yu i go long komuniti eria bilong ol, bambai yu ken lukim ol gutpela pasin bilong lukautim ples na wok. Ol i gat gutpela haus o ofis, plaua gaden, gras na tu ol i save flaim plak bilong PNG.


Ol pipel hia i save amamas tru long gavman na wok hat long developmen bilong en. Ol i gat strongpela tim spirit o laik long bung wantaim long olgeta samting long komuniti bilong ol.

Kaunsil bilong ol tu i bin joinim pinis 39 long 41 viles em ol i stap insait long Kainantu Sab Provins. Dispela i mekim ol samting isi long ol ka i go insait bilong helpim pipel long olkain bisnis.

Ol pipel hia tu i save amamas long wok wantaim ol kiap bilong ol olsem John Corrigan, Kevin Deutrom, kuskus bilong Kainantu Kaunsil, Henry Van Leewen, Rijonal memba bilong ol, Barry Holloway, na tupela lokal lida bilong ol long viles gavman sistem, Manki Koati na Agusave Kareffa.

Ol i bin kamapim o mekim wok bilong viles gavman long 4-pela yia i go pinis na nau ol i tok gavman bilong ol bai i no inap tru long pundaun.

Sampela pipel bilong Bougainville, Manus na long hap bilong Port Moresby i bin i go lukluk raun long wok bilong ol.



PASIN BILONG BEKIM

Wanpela taim tupela brata i stap. Papamama bilong tupela i dai pisin na tupela tasol i stap long ples. Bikbrata em i marit na em wantaim meri bilong em tupela i wokim gaden na planim kaikai. Tasol liklik brata ya em i sindaun tasol long haus na wokim banara na spia bilong em na em i no save helpim tupela long wok long gaden.

Ol i stap i go i go na bikbrata wantaim meri bilong em tupela tok hait na kros long liklik brata. Tupela i tok, em i no save helpim mitupela long wok long gaden. Em i save sindaun tasol long haus na pi-

nisim kaikai bilong mitupela nating. Bai mitupela mekim wanem long em? Orait, na bikbrata i kirap na tokim meri bilong em: Tumora moningtaim mitupela laik i go long gaden na em i no bihainim mitupela bai mi katim nek bilong em long nait taim em i slip.

Taim tupela i wok long toktok i stap, tewel bilong papa bilong tupela brata hia em i harim na kwiktaim em i tanim olsem pisin na i flai i go long haus we liklik brata i stap na em i tokim em olsem: Yu mas kirap long nait, taim mun i kam antap na kisim ol samting bilong yu na

yu ranawe i go long dispela kil.

Liklik brata i kirap nogut na tok, Bilong wanem bai mi go long dispela kil? Na pisin i tok, Long wanem bikbrata bilong yu wantaim meri bilong em, tupela i kros long yu. Olsem bikbrata bilong yu i tok, long nait yu slip bai em i katim nek bilong yu.

Orait long apinun bikbrata wantaim meri bilong em tupela i kam long gaden na ol i kukim kaikai na ol i kaikai pisin na ol i go slip. Tasol liklik brata ya em i no slip tru em i wok long mekim nais long bet oltaim. Taim mun i kam antap em i lukim lait bilong em na kwik-

taim em i kisim ol samting bilong em, tasol taim em i laik i go, em isi tasol i go long ples we meri bilong bikbrata i slip na em karim em isi tasol i go putim long ples we em i save slip. Em i putim pisin, em i go ausait na em i ranawe i go long dispela kil.

Long nait bikbrata i kirap kisim tamiok bilong em na isi tasol i go long ples we liklik brata i save slip na em i lukim meri bilong em i ting liklik brata na em i katim nek bilong em. Long moning bikbrata i kirap na lukim hia, nogat. Em i belhat nogut tru. Orait em i kisim banara bilong em (i go moa long pes 12)

(i kam long pes 1)



Samting olsem 130 soldia bilong Papua Niugini Difens Fos long Port Moresby, nau ol i wok long wokim wanpela rot long ples Koiari, klostu long Goldi Riva, long helpim ol pipel i stap long dispela hap long kirapim ol sampela bisnis olsem wokim maket gaden, kirapim banis bulmakau, wokim timba somil o ples bilong wokim ol timba, na ples bilong wokim ol sof dring o loliwara long muli na ol sampela narapela kain prut olsem.

Wanpela ripot i kam long PNGDF i tok olsem, ol lokal gavman kaunsil, na ol eria atoriti long Sentral Provins i askim ol long wokim rot ya. Longpela bilong dispela rot em i 12 kilomita.

Taim olgeta wok i pinis, bai dispela rot i go kamap long namba wan hap bilong rot i go long Naoro Veli long hap bilong Kokoda Treil. Wok i bin stat long Julai, na bai pinis long neks mun.
* Poto antap i soim wanpela soldia i wok long wanpela buldosa i go long dispela nupela rot.

K22 milien - long olkain samting olsem ka na bensinna loli na redio na smelsop na rekot, na kamera.

K 6 milien - bai kamap olsem takis long bia na wiski na sigaret.

TAKIS LONG PE

Yu yet yu stap insait long ol dispela samting long wanem yu save baim. Tasol bikpela samting tru em i takis gavman i save kisim long pe bilong yu. Na hia gavman long dispela yia i isi long ol maritman i gat famili; na ol singelman bai takis moa moa yet.

MARITMAN WIN

Nupela lo i tok: olgeta manmeri i winim moa olsem K18 long wik, em i mas takis. Tasol sapos yu marit, yu inap tekewe K30 long wan wan pikinini - inap long 4-pela. Em i min singelman i mekim bikpela mani bai takis bikpela. Tasol gavman bai bekim o tekewe K30 long takis bilong maritman long ol wan wan pikinini - inap long 4-pela. Em i min olsem: sapos yu maritman na yu no winim K40 long wan wan wik na yu no mas baim takis long pe bilong yu olgeta, bi-

BOUGAINVILLE MOA

Sampela moa likli hap tok em hia:

- (1) Gavman bai kat: mani bilong ol kaunsil. Ol yet i mas painim mo long eria bilong ol.
- (2) Ol viles kot ba kisim K300,000 long bi hainim wok bilong ol.
- (3) Gavman bai makim K milien bilong baim be ol graun bilong bipo.
- (4) Olgeta pablik seva bai kisim samting olse K200 moa pe long yia.
- (5) Bougainville ba winim ol arapela provins na i kisim K4 milien long olkain wok. Em i bikos Bougainville i save winim moa man olsem olgeta arapela provins bilong PNG.

Gavman i mekim wok bilong ol pipel; gavman em i bilong ol pipel. tru. Na tu gavman i save kisim mani long ol pipel tasol. I olsem, sapos gavman i baim yu, em i bikos yu bin baim en pastaim. Sapos yu no givim gavman, gavman i no ken givim yu.



AFFILIATED WITH LIFELINE INTERNATIONAL

LIFELINE PORT MORESBY

HELP IS AS CLOSE AS A TELEPHONE

P.O. BOX 6047
BOROKO
PAPUA NEW GUINEA

Lifeline Port Moresby offers a confidential telephone counselling service -

| | | | |
|------------------------------|---------|------------------------|----------|
| Family or personal problems: | Anxiety | Pregnancy | Marital |
| | Stress | Personal relationships | Suicidal |
| | Alcohol | Social isolation | Legal |

SHARE YOUR PROBLEM WITH A TRAINED TELEPHONE COUNSELLOR

Phone: 25.7711 - Daily between 4 p.m. and midnight
Also 10:30 to 1:30 p.m., Monday - Friday

Home phone of Rev. Haste: 25.5632

Influenza kilim 57 pipel

Influenza i bin kilim dai pinis 57 pipel ong Isten Hailans. Na i ting olsem planti ba bai indai yet.

Sik hia i save mekim cin bilong ol pipel i ol, pen, kus, o kop, a kamapim sua insait ong trot o nek bilong l pipel.

Na sapos wangepela man gat influenza, kwik-aim tru bai ol narape-a pren bilong em i ken isim tu ya.

Influenza i bin kamap strong tru long Isten hailans long stat bilong independens wik.

Provins Helt Ofisa bilong Goroka, Dokta John Foote i bin tok, 22 pipel insait long Asaro Sab Provins, na 35 long Hengonofi, i bin indai long en.

Tasol sik hia i bin spred o raun pinis long olgeta hap bilong provins.

Ripot bilong ol haus sik long Papua Niugini i bin tok olsem, samting olsem 15,000 pipel i bin kisim bagarap long influenza.

Minista bilong Helt, Mista Donatus Mola i bin tok, influenza em i kain sik i save spred isi na kwiktaim namel long ol pipel.

Em i tok sik i bin stat long Port Moresby na i go kisim planti hap bilong kantri nau.

Sampela long ol dispela eria em long Bereina, Woitape, Hisiu na Maun Koiari long Sentral Provins, Samarai Ailan insait long Milne Bay Provins, Leiwampa, Nubak, Finschhafen na Lae long Morobe Provins, na Isten Hailans Provins.

Planti long ol pipel indai long en, em long ol olupela pipel. Na planti moa pipel long

ol viles insait long bus i sik nogut tru na i no inap wokabaut i go long ol etpos o helt senta. Olsem na ol medikal tim i raun i go nabaut long ol dispela

hap long helpim ol dispela lain pipel hia.

Sapos ol medikal tim i kamap long hap bilong yupela, orait, kwiktaim yupela i mas bringim ol i go long ol medikal.

Ol Nupela Provinsal Komisina

Em hia nem bilong ol nupela Provinsal Komisina wantaim wanem ol provins tru bai ol i lukautim.

Man i bin i stap Provinsal Komisina bilong Madang bipo, Mista Benson Gegeyo, bai i nupela Provinsal Komisina bilong Bougainville Provins nau. Em i kisim ples bilong Mista Alexis Sarei.

Na man i senisim Mista Gegeyo long Madang, em Mista J.K. Nalau, i bin i stap long Kundiawa.

Mista Jack Bagita i bin i stap long Rabaul bipo, bai i go kisim ples bilong Mista Nalau long Kundiawa. Man i bin i stap long hetkwata na i bin wok olsem namba wan asisten seketeri long Praim Minista, Mista R. Namaliu, bai i senisim Mista Bagita long Rabaul.

Narapela man gen i bin i stap long hetkwata bipo, Mista P. Gaiyer, bai i nupela Provinsal Komisina long Mendi.

Hia nau em sampela moa nem bilong ol nupela Provinsal Komisina. Mista A. Smare, nau i stap long Lorengau, Mista D. Sigamata, nau i stap long Kerema, Mista V. Tauni, nau i stap long Port Moresby, na Mista G. Maha, nau i stap long Daru.

TOYOTA TRAK

OL DISPELA I NAMBAWAN TRU



TOYOTA

ELA
MOTORS LIMITED

Burns
Philp
GROUP OF COMPANIES



Sapos yu laik luk
sindaun antap long
ken go stret long
long Wewak. Sapos y
Sepik Haiwe bai yu
tanim long lephan
bai yu kamap long U




Urimo em i wanpela
I gat 10,000 eka ku
long Is Sepik long
olkain pasin bilong
Liklik taim bai pla
long dispela stesin.

Olgeta yia Urimo
go long ol fama nak
bilong helpim wok bu
pela hap bilong gra
kamapim inap mit bil
long dispela distrik

Long mun Jun Urimo
na 583 bikbel. Bikk
em i bilong ol hatp
Neks taim bai mipela
long ol bikbel tasol

Bulmakau i win tr
wanpela kain i kam l
gat wanpela buk long
lukim ol long poto h

Birua bilong ol ka
save givim sik long
Sapos yu fama, yu



SEPIK NIUS

Namba 127 Trinde, 15 Oktoba, 1975

Is Sepik Provins Go Het Gut

Ol ofisa i stap wok long Dipatmen bilong Praim Minista long Wewak, i bin givim sampe-la ripot na tok olsem ol wok insait long ol rural eria long Is Sepik Provins i bin go het gut tru namel long yia 1974 na 1975.

Na tu i bin i gat ol ripot i kam long ol sab provins na patrol pos insait long provins, na i tok olsem nau ol wok i go het gut tru.

Long yia i go pinis Is Sepik Provins i bin kisim K187,987 tasol long mekim ol wok bilong provins.

Provinsal Lokal Gavman Ofisa bilong Wewak, Mista Fred Haynes, i bin tok olsem provins i bin yusim pinis 86 pesen bilong dispela mani.

Sampela bilong dispela mani em ol i bin yusim long wokim rot long Timbunke; Chimbian; Gwanga, Waskuk long Ambun-

ti sab provins; Nung-waia; Amahop; Supari; Wam; Tangari; Yakimboyle; Inmanmeri; Amboin; Tring na Yibab.

Long mekim dispela wok ol i bin yusim K75,500 olgeta, na tu ol lokal pipel i bin givim helpim long mekim wok i go het.

Ol i bin yusim planti mani tu long wokim ol liklik rot, na ol projek olsem komyuniti senta; et pos; klasrum na ol arapela samting olsem.

Tasol planti hap bilong provins i no bin yusim planti mani tumas em long wanem, ol i bin mekim gut wok na tu lukautim mani bilong ol gut. Ol lokal pipel tu i bin helpim long mekim wok long hap bilong ol i go het moa.

Dipatmen bilong Praim Minista i laikim bai olgeta gavman ofisa na ol kaunsila i mas skul-

im gut ol pikinini, na ol pipel em ol i bin go skul bipo na i stap long ples long ol i mas givim helpim.

Inap long K290,900 na arapela helpim inap long K176,500 em ol i

bin givim long provins.

I luk olsem Is Sepik Provins bai i yusim K176,500 olgeta long wokim ol rot, ples balus na ol arapela samting olsem long mekim provins i go het moa.

Namba Wan givim tok tenkyu

Namba Wan bilong ol skul long Is Sepik Provins, Mista John Vilivili i bin tok olsem ol skul i bin mekim gutpela wok tru long redim ol samting bilong Independens De. Em i bin amamas tru long lukim ol tisa na ol sumatin i putim olkain pilai long Independens De long 16 Septemba.

Em i tok wanpela samting i mekim bel bilong em i amamas tru em long we, ol i bin dres ap long we bilong tumbuna yet long taim bilong singsing.

* Dispela simen ston ol man bilong Dagua i bin sanapim long Urip long makim Independens De. Ol i putim poto bilong Pita Simogun antap long en.

lukim planti poto insait

MOROBE PAINTERS

PAINTING CONTRACTORS

Large or small jobs
anywhere


Drop us a line and let us
give you a

FREE No Obligation Quote

Write to : P.O. BOX 576


WEWAK

Note: References available upon request.





* Michael Somare i sa
katim laplap i banisi



WOGINARA ROT

Long 27 Septemba Praim Minista Michael Somare i opim nupela rot i go antap long Woginara klostu long Dagua.

Provinsal Komisina, Mista Toni Bais na Presiden bilong Wewak-But Lokal Gavman Kaunsil, Mista Herman Beri; Mista Pita Simogun bikman tru bilong ol Woginara; Bisop Leo Arkfeld, na pipel bilong ol ples nabaut i stap.

Praim Minista i amamas long wanem em i bin promisim ol man long pinisim dispela rot long i-lektoret bilong em yet. Gavman i bin lusim K77 tausen long dispela wok.

Long woa ol Japan yet i bin statim dispela rot na ami i bin traim stretim bek tasol ol i no gat inap mani na masin. Ol pipel nau i gat rot bilong bringim kopi na kakao i go long Wewak

Lukim poto long lephan antap, em Herman Beri. Daumbilo sampela lapun na rot tru i ran namel long Woginara Tu.

Lain singsing bilong independens tru em i bilong Magapen - daumbilo long raithan. Antap long en, ol tumbuan bilong bikpela singsing

bilong Lowan, long taim bilong independens.

Na antap long raithan em lapun papa bilong Samiel Donighi, kaunsila bilong Lowan.

Antap yumi lukim olsem wanem Michael Somare i katim laplap i pasim nupela rot na em i opim namba wan taim.

Mista Toni Bais i bin tokim ol pipel, nau em i wok bilong ol long lukautim gut dispela rot. Sapos ol i lukim hul i kamap, ol yet i mas painim ston na fiksim rot. Ol i no ken wet tasol long gavman; ol i mas helpim ol yet. Em i nupela tingting.



liklik haus win na rot; olsem em i op.



PAS I KAM LONG SEPIK

YU GO HAIT LONG BUS

Dia Edita.- Nau mi laik bekim pas bilong brata ya Jack Bosi. Yes brata yu bin tok olsem yu lukim ol meri i pilai ragbi na soka na i no stret liklik long ai bilong yu.

Tasol long dispela yia, 1975 em i Independens yia na tu em i yia bilong ol meri long bosim ol yet na wok olsem man na i ken pilai ragbi na soka olsem man. Sapos yu lukim na i no stret tumas long ai bilong yu orait taim ol meri i laik pilai ragbi na soka orait plis yu no mas kam na lukim. Yu i ken i go na hait long bus.

Na tu yu tok sapos ol

meri i pilai olsem man em bilong mekim man i aigris tasol. Tasol long tingting bilong mi yet mi tok olsem yu tasol yu i gat dispela kain tingting olsem. Ol arapela man ol i hepi tru long ol meri i pilai ragbi na soka long ai bilong ol na tu ol i no gat dispela kain rabis tingting olsem yu tok. Dispela kain pasin olsem aigris long meri, mekim trabel long maritmeri na singelmeri, kros na pait long dispela kain pilai tasol, em i kamap i kam long ston het bilong yu tasol.

Sapos yu wari tumas long ol meri i pilai ragbi na soka, orait yu i ken i go na dringim solwara. Sapos yu husat man i gat wari long bel

bilong yu, orait, yu i ken rait i kam tasol long Wantok orait bai mi ken ritim.

Getrude Baiwan,
Wirui.

WAN DRAI 10 TOEA

Dia Edita.- Orait na brata Manol yurait long Redio Wewak na yu bin tok olsem long Vanimo ol i save salim wanpela kokonas long 10t. Na long ol maket long Is Sepik ol i save salim 4-pela kokonas long 10t.

Tasol brata ating yu save tasol long maket bilong Wewak tasol na yu i no save long ol sampela maket. Long hia long maket long Maprik tu mipela save baim wanpela kokonas long 10t. Em maket bilong yumi long Is tu ol i save mekim na nogut yu tok nating.

Mi bekim dispela pas bilong yu long Wantok Niuspepa bai yu lukim na putim long het o tingting bilong yu, na bihain yu i no ken maus wara moa long redio Wewak. Na tu yu mas tingting pastaim orait yu ken rait i go long redio Wewak o Wantok Nius.

William Pole,
Maprik.

PLES RAGBI NOGUT.

Dia Edita.- Hia mi laik autim liklik wari bilong mi. Mi no amamas tumas long Wewak Ragbi Lig.

Bilong wanem? Mipela ol ausaitman o meri i long lukim pilai ragbi. Tasol, nogat bang bilong sindaun long arere long ples bilong pilai. Mi yet, mi ting olsem, ol i mas putim ol sam-

ting bilong sindaun long lukim pilai.

Mipela i no go insa nating? Nogat, mipela baim dua long 20t lor olgeta manmeri. Mas long pulim nating mar bilong mipela, na nogat gupela ples bilong sindaun.

Matthew Sakanat,
C.M. Passam.



PORO HARIM GUT.


Dia Edita.- Nau mi laik bekim pas bilong wantok ya em long Marti Yerbeg bilong Aitape.

Insait long pas e i toktok long dispel hap tok maiyau na oulep. Em i tok em i bin hari planti taim.

Ol draiva bilong k na motobaik i save stop im ka o motobaik na te maiyau long ol meri. E i tok dispela em i no stret ol i save woki insait long Wewak taun. Em i pasin bilong pi na dok.

Yes wantok dispela e i tru. Tasol watpo y tok pasin bilong pik na dok i tok maiyau na oulep?

Poru, sapos yu sav harim pik na dok i tok tok olsem maiyau na oulep, ating yu poroma bilong pik na dok stret. Clement P. Banci,
Kapaimari.



EM HIA WANPELA NUPELA TESTAMEN LONG TOK INGLIS, EM OLGETA MAN I WINIM STANDET 6 INAP LONG RITIM.....

Em i kostim 75t. tasol.

Baim long: CHRISTIAN BOOKSHOP

Box 169, Wewak; Box 78 Mt. Hagen

VIO

kauboi tru i save
sim ol bulmakau, yu
i no longwe tumas
tu long Passam long
pela sain i tok yu
inap 17 mail yet na

didiman stesin tru.
i gutpela ples tru
makau na skul long
kauboi.
bulmakau i ken kam



ilim 300 bulmakau i
i wok bilong Urimo
ng Is Sepik. Na dis-
long Sepik em inap
ta manmeri pikinini

692 bulmakau i stap
arapela kain kau na
i olsem PNG stret.
anpela stori i tok

Urimo em Zebu; em i
long Indonesia na i
bilong em. Yu ken

anpela kain flai i

Urimo stesin.





* Em hia Peter Tasin 17 na Fred Lavaki 19 bilong YMCA i mekim lidaship kos long Australia.



* Mista John Nilkare, Namba Wan Komisina bilong ol dring long PNG i lukluk raun long Australia.




* Tupela boi i lukluk long banis meme.



* Hia em PNG futbol tim i lukluk long pasin bilong skinim grass bilong meme.



* Em Peter Watlakas i skul long musik i stap.



* Tupela elektrisen bilong Pt. Moresby i mekim 6-pela mun kos long Australia.

Kwin go lukim ol wokman

Kwin Elisabeth i bin go daun aninit long graun na lukim wok bilong ol man i save kamautim kol....o blakpela ston i save paia na ol man i save yusim long stov bilong ol.

Tarangu, dispela wok i save mekim man i blak tru; tasol kwin i pasim waitpela saket.

Em i bin stap tu aua aninit long graun long dispela ples bilong wok.

Ples we ol i save digim kol ol i kolim main. Dispela long poto em i long Englan na i luk olsem ol man bilong wok kol i amamas tru long lukim kwin.




“Coke em i samting tru”



N.G.I. INDUSTRIES LAE, AUTHORISED BOTTLERS OF COCA-COLA AND FANTA.

15.5598



AFFILIATED WITH LIFELINE INTERNATIONAL

LIFELINE PORT MORESBY

TELIPON I KEN HELPIM WARI BILONG YU

P.O. BOX 6047
BOROKO
PAPUA NEW GUINEA

Ring long Port Moresby na wanpela saveman i ken stretim wari long yu

Yu gat wari?

Yu gat trabel?

Yu save spak oltaim?

Yu gat bel?

Yu save long pasin bilong

stap gut wantaim poroman?

Yu wanpis oltaim?

Marit bilong yu i laik bagarap?

Yu laik kilim yu yet?

Yu gat trabel long kot?

AUTIM WARI LONG WANPELA SAVEMAN I SINDAUN I WET LONG TELIPON LONG HELPIM YU.

Ring long: 25.7711 olgeta de long 4 klok apinun inap biknait

Long Mande inap Fraide, long 10:30 inap 1:30 klok tu.

Telipon bilong Pasto Haste - haus bilong Pasto Haste: 25.5632




TRAIM AI BILONG YU HIA

*Yu lukim sia
bilang dispela
ofis i stap
nating.*

*Orait, yu kam
sindaun na
lukluk nabaut
sapos yu inap
painim 8-pela
santing i
narakain long
tupela ofis
hia.*

*Mipela bilong
WANTOK i resis
wantaim yu.
Goan.....*



Pablik Helt askim helpim

Dipatmen bilong Pablik Helt insait long Is Sepik Provins i askim nau olgeta lokal gavman kaunsil long dispela provins long givim sampela mani long wokim wanpela klasrum bilong trenim ol etpos odeli long Timbunke stesin, long hap bilong Angoram Sab Provins long Sepik.

Namba Wan Dokta bilong Is Sepik Provins, Dokta Kevin Farrell i tok olsem, as tingting bilong kirapim dispela nupela klasrum o haus skul ya long Timbunke long narapela yia, em long larim o stapim ol etpos odeli o ol dokta-boi bilong yumi long Is Sepik Provins long i go kisim trening bilong ol long Hailans, o long ol narapela provins insait long kantri bilong yumi. Bikos dispela i save kostim Pablik Helt bikpela mani long yusim.

Brens bilong Nu Saut Wels Beng long Wewak i bin givim K500 olgeta long Pablik Helt Dipatmen long dispela wok.

Dipatmen ya bai yusin K8,200 olgeta long kirapim nupela klasrum.

Ol i laik kisim kain ol helpim olsem i kar long olgeta kaunsil tu.

PASIN BILONG BEKIM (i kam long pes 5)

em na bihainim lek bilong liklik brata i go, tasol liklik brata i save pinis olsem bai em i bihainim em i kam, olsem na liklik brata i hait long rot na taim bikbrata i kam klostu, em i sutim lewa bilong em long spia.

Orait liklik brata ya i go bek long ples na em i marit na em i sindaun amamas wantaim meri bilong em.

Gabriel Bar,
Malala Haiskul/Madang



WANPELA KAIKAI INAP LONG OL MAN

-maski mit



Dispela KRAFT sis ya, olgeta pikinini na bikpela manmeri tu i laikim tru. Em i swit moa long ol.

Dispela KRAFT sis i wankain olsem mit. Tasol em i no dia tumas. Yu ken tanim KRAFT sis i go insait long olkain kaikai na em bai kamap gut tru.

KRAFT sis yu ken baim long olkain bikpela o liklik karamap, long laik bilong yu yet.

KRAFT i min nambawan kaikai

4251

I no longtaim i go inis, Eria Atoriti bilong Isten Hailans i in paitim o mekim hatpela toktok long husat ru bai i kamapim Goroka So long 1976. Long ispela taim tu Provincial Komisina bilong Isten Hailans, Mista Bernard Borok, i tok olsem ong ol yia i go pinis, l Goroka So i bin soim alsa bilong provins na u i bin givim gutpela ingting long ol manmei bilong ol arapela antri.

Long dispela taim, i uk olsem Eria Atoriti ai i gat sampela trabel ong painim nupela maneri long kirapim Goroka So long 1976, long anem tupela olpela emba, em tupela waitan i bin go bek long les bilong ol long

Australia.

Provinsel Komisina i tok bihain long dispela taim long kirapim wanpela nupela komiti bilong Goroka So. Dispela komiti i mas i gat wan wan memba bilong olgeta kaunsil long Isten Hailans Provins. Mista Bernard Borok, i bin mekim dispela toktok taim ol sampela memba bilong Eria Atoriti i tok ol i no amamas long wanem long olgeta so long ol yia i go pinis, ol memba bilong So Komiti i bin kam long Goroka Kaunsil tasol.

Long dispela miting, olgeta memba i pasim tok long lusim dispela nem "Goroka So" na senisim i go long "Isten Hailans So".

Bihain long ol dispela toktok, Eria Atoriti

i bin makim kaunsil o- no Aia, Momba Omba, Ju- raina Bolong, na laipe Noruka, long painim na

makim nupela manmeri long i stap long So Kora- miti long narapela yia long 1976.

Alkan Tololo bosim yunivesiti

Mista Alkan Tololo, dairekta bilong edukesen, bai kamap hetman tru bilong ol yunivesiti bilong Papua Niugini long Januveri. Em bai kisim ples bilong Dokta M. Matheson.

Mista Tololo i bilong Raluana viles klostu long Rabaul na em i bin mekim kain kain wok tisa inap 18 yia olgeta.

Em i bin stat long Kilakila Praimeri skul long Port Moresby. Long 1963 em i winim sinia ofisa kos long Port Moresby Tisa Koles. Bihain em i go wok long Isten Hailans olsem tisa. Long 1967 em i wok olsem distrik inspekta long Noten na Nu Ailan Distrik.. Long 1969 na 1970 em i Komisina bilong Tisa Sevis Komisin na tu memba bilong Pablik Sevis Bot. Long 1973 em i kisim ples bilong namba tu hetman bilong Yunivesiti.

Mista Tololo i bin raun lukim planti kantri na ol pasin edukesen bilong ol. Em i bin go long Nu Silan na Nigeria long Afrika, Australia, Singapore, Malaysia, na Filipin Ailan.

Ol pipel long yunivesiti ol i amamas long kisim Mista Tololo olsem bosman na hetman bilong ol. Long wanem em i gat bikpela namba. Em i namba wan taim wanpela lokal man i bosim tru olgeta yunivesiti bilong dispela kantri.

OLABOI, EM I ISI TUMAS

Yes, em i tru. Olgeta gutpela kaikai yu mas givim long bebi bilong yu bilong strongim, em yu ken kisim long ol liklik tin i gat nem HEINZ long ol. Ol liklik tin ya i gat kaikai ol i bin redim bilong ol pikinini stret. Em i isi tumas; ol samting i redi pinis. Tasol lukaut gut! Yu mas painim nem HEINZ long tin. Em tasol i gat dispela kain samting.



KING FEATURES SYNDICATE

THE GIANT AND DWARF OF KALUGA PASS.

Yu no ken krungutim mi.

I no asua bilong mi.

Man, yutupela samting tru.

TALK & BARRY 12/27

Yu bin pretim ol paitman, long dispela stik nating....

Mipela i mekim pasin pani tasol, Vantom.

TOMORROW: SOME JOKE

THE GIANT AND DWARF OF KALUGA PASS...

Yu tok em i pasin pani tasol, a? Yupela stilim ol samting na bagarapim ol bisnis.

We stap ol samting yupela i bin stilim?

Wanem samting?

TALK & BARRY 12/28

Lukaut, nogut mi belhat.

OWW!

Han bilong mi pen, Kandere Rudi. Soim hul long e

@/m!!

Yu no ken soim em olgeta samting

Mipela i mas em i gat gan

TALK & BARRY 12/29

Dispela laion yu bin kilim olsem wanem tru?

TALK & BARRY 12/29

Dispela stik pepa i no inap, yu mekim olsem wanem?

THE GIANT AND DWARF OF KALUGA PASS...

Em i laik save mipela i kilim laion olsem wanem

Bai yu tokim em, Kandere Rudi?

Na dispela bikipela kra i yu mekim olsem wanem?


TALK & BARRY 12/30

Mipela i no ken tokim yu. Yu yet painimaut.

Mi askim yu wangepela samting liklik pispis manki....

***!!

NEXT WEEK: THE SECRETS OF KALUGA PASS.



Nupela YC

Senta long

Buka

Minista bilong Fainens, Mista Julius Chan, i bin tok olsem long taim em i bin opim nupela Kristen Komyuniti Senta long Buka.

Em i bin tok haus bilong mekim gutpela wok em i mak tru bilong gutpela sindaun i stap namel long ol Misin na Gavman.


Gavman i save bosim na lukautim ol wok em ol sios i bin mekim long en long skulim ol komyuniti long olkain wok na samting.

Long hatwok bilong misin na gavman tasol ol i bin sanapim pinis YC Senta, na long dispela haus tasol, bai yu inap long lukim ol yangpela pipel na ol arapela lida bilong bihaintaim.

Kepten bilong Hahela YC Senta long Buka, Pater Begg, i bin tok olsem: Longpela bilong dispela nupela YC Senta inap 120 fit na 90 fit op i bin kostim K30,000 olgeta long wokim em.

Ol lokal pipel i bin kisim K10,000 long ol arapela kantri. Katolik Sios long Bougainville tu i bin givim K10,000 long kirapim dispela nupela senta. Arapela K10,000 i bin kam long Nesanel Ofis bilong YC na mani i save kam yet long han bilong gavman bilong Papua Niugini long wanpela wanpela yia.

Pater Begg i bin givim draipela tenkyu i go long olgeta pipel em ol i bin helpim long kirapim dispela nupela senta.



* Poto i soim Minista bilong Fainens, Mista Julius Chan, i givim toktok long taim em i bin opim nupela Komyuniti Senta long Bougainville.



* Em Joseph Hurokoli, Namba tu YC Nesanel Dairekta, Pater John Begg, Kepten bilong Hahela YC, Bisop Gregory Singkai, Fainens Minista, Julius Chan na Joseph Gatana, Presiden bilong Hahela YC.



* Long poto hia yumi lukim ol yangpela pikinini bilong Buka i redi long bilas long pasin bilong tumbuna, na mekim singsing longtaim Minista bilong Fainens, Mista Julius Chan i bin opim nupela Komyuniti Senta.

Ol pikinini ya i putim waitpela paura long pes olsem bilas bilong pes na ol i luk smat moa. I luk olsem ol yangpela lain ya i bin mekim save tru long ol singsing bilong tumbuna. Sapos yu lukim gut piksa ya, ating bai yu kirap nogut, long wanem, ol i luk amamas tasol na i stap.

BAIM WANTOK

Sapos yu wanpela yu laik kisim WANTOK i kam long yu stret, orait yu salim dispela tiket i kam;

Mi laik kisim WANTOK niuspepa inap wan yia olgeta. Nau mi salim K5 (\$5.00) i kam;

Nem:


Adres:

Salim i kam long:

WANTOK - P.O. BOX 396 - WEWAK



* Poto i soim Mista Gware Manong i stap lukluk long olkain tul insait long tul stua long Sydney.



* Long poto hia yumi lukim Mista Moroere Oa bilong Kerema insait long Gulf Distrik wantaim Mista Allan Bennett, em i Dairekta bilong kampani i save mekim olkain samting bilong haus long Australia. Kampani hia ol i kolim Upholstery Proprietary Limited.



* Hia em Sam Ulur, ensinia bilong wara i toktok wantaim Profesa Eric Lawrence long Australia.



* Hia em Raga Damani, Posul Pokanau, Gumuna Wari na Alphonse Evari i mekim kos long Brisbane.



* Hia yumi lukim 3-pela PNG mekenik bilong balus. Long lephan i go long raithan em Ithamar Jasop, Paul Kuniton na Primus Waisi i sanap toktok wantaim wanpela saiden. Saiden ya i save skulim ol long pasin bilong fiksime ol balus long Australia.

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.